

Incumbensa Kunz (Cuira) concernent l'examinaziun da las incumbensas e da las prestaziuns

Las aspectativas da la politica da finanzas dal chantun Grischun èn nauschas: En vista a la planisaziun da las finanzas preschentada da la regenza, a la conjuntura che perda schlantsch en il chantun, en spezial en ils territoris da muntogna, spetgond sin la reforma da l'imposiziun da taglia sin interpresas III, en vista a la perdita da tschains d'aua ed al cumbat pli dir per la gulivaziun federala da finanzas ch'è percurschibel, èsi inditgà da puspè manar las finanzas svelt enavos en las cifras nairas per esser preparà per temps pli difficils. Ils plans da finanzas 2018 e 2019 mussan deficits da 73 e dad 89 milliuns francs. Da la confederaziun na dastgass betg vegnir spetgà agid, perquai ch'er sias finanzas daventan en general pli stgarsas.

Tut quai augmenta tenor la voluntad da las sutsegnadras e dals sutsegnaders la necessitad d'iniziar ad ura mesiras per mantegnair l'atgna libertad d'agir. Concretamain pretendan las sutsegnadras ed ils sutsegnaders da la regenza grischuna ch'ils proxims preventivs prevesian ina reducziun persistenta da las expensas d'almain 50 milliuns francs.

L'onn 2003 ha la regenza preschentà in pachet da spargn cumplexsiv al cussegl grond che quel ha acceptà. Sco consequenza da quai ha il chantun pudì metter en urden sias finanzas. Entradas supplementaras betg budgetadas han er contribuì lur part.

Oz, 12 onns pli tard, s'imponi da far danovamain in'examinaziun da las incumbensas e da las expensas pervia da la situaziun finanziaria ussa puspè pli nauscha, e quai senza pudair sperar ad entradas supplementaras betg budgetadas.

Las deputadas ed ils deputads sutsegnads incumbenseschan qua tras la regenza da preschentar, resguardond il proceder da l'onn 2003, danovamain in'examinaziun detagliada da las incumbensas e da las prestaziuns al cussegl grond per trair in conclus. Las propostas da spargn e da structura duain vegnir elavuradas per tut ils departaments e per tut las incumbensas. En spezial sto vegnir persequità cun dapli energia il punct central "Finamiras socialas ed effects da sava" che cuntegna enconuschentamain in grond potenzial da spargn. Il resultat dal project duai esser quel ch'il quint economic possia vegnir concludì entaifer ils indicaturs da finanzas che valan actualmain.

Cuira, ils 9 da december 2015

Kunz (Cuira), Koch (Igis), Giacomelli, Alig, Brandenburger, Burkhardt, Casanova-Maron (Domat), Caviezel (Tavau Clavadel), Claus, Davaz, Dudli, Engler, Gunzinger, Hartmann, Heiz, Hitz-Rusch, Holzinger-Loretz, Hug, Jenny, Kasper, Kunz (Fläsch), Kuoni, Marti, Mathis, Michael (Castasegna), Nay, Niggli (Samedan), Rosa, Salis, Schutz, Steck-Rauch, Steiger, Stiffler (Cuira), Thomann-Frank, Tomaschett (Breil), Toutsch, Troncana-Sauer, Valär, Vetsch (Pragg-Jenaz), Waidacher, Weber, Wieland, Costa, Natter